

四庫全書

集部

欽定四庫全書

文苑英華卷八百四十三 宋 李昉等 編

詩二

隋新城郡東曹掾蕭平仲詩一首

平城縣正陳子幹詩一首

德先生詩一首

衡州刺史東平呂君詩一首

虞鶴鳴詩一首

隋新城郡東曹掾蕭平仲誄 陳子良

蕭平仲字其蘭陵人也梁文皇帝之玄孫鄱陽王之曾孫也鄱陽嗣王之孫定襄侯之第五子也派清瀾於天潢分喬枝於若木君降生昴宿挺質珪璋孝友溫恭仁慈亮直其形曲而雅其神俊而明耽思羣書研精衆藝盡人間之能事極天下之奇才江淮貴遊獨稱領袖故可以坐覲羔鴈俯拾朱紫至如南山為志不能北面事人詩書自娛耻與絳灌等列洎有陳失馭西遷於隋而

兄弟十人白眉斯在棠棣之詠事等姜肱君子義之高  
其行也屬皇期有道咸序縉紳乃拜吏部員外郎東宮學  
士冀州司法參軍禮部員外郎新城郡東曹掾從班列  
也君益政能官咸熙庶績所在遺愛置言成範至如纓  
紱之士草萊之客莫不聆嘉聲而雲萃滄德音而風趨  
李膺曩號楷模王商昔稱賢智方之茂如也適應入踐  
常伯超補台司如何靈祇殲我明哲春秋五十有五大  
業九年二月十五日卒

一作終

於新城郡之官舍嗚呼哀

哉余與夫子頗有親連少敦莫逆既同羈旅彌篤綢繆

非無陸機之書

一作詩

尚有鍾儀之操誰謂吉士奄遂隙

駒嗟乎盛年何晚

一作時

促之如此也嗚呼哀哉昔之絕

絃軫歎聞笛傷心余雖謝古人寧不悽慟是知身歿名  
存實由著述况復故人景行何能泯之敢以聞見乃作

誄曰

嗚呼哀哉粵若高祖大造惟梁德侔五帝道冠百王赤  
眉作梗黃屋云亡有媯之後應運遐昌君之顯考耻為

委質在行既高居賓坦逸篤生夫子如披雲日儀形信  
典聲名本實機神電舉雅調風生還同照乘有類連城  
學逾班固才冠劉楨金湯失險天馱有陳幸逢隋德預  
沐堯民青蓋西度紫氣東淪依依去楚悞悞入秦梁毫  
之郊忽傾風樹結廬狎鳥穿池憑霧兄弟十人義聲咸  
布爰降綸紱特預銓衡龍樓振藻司寇馳名俄居郎署  
昇朝擅美含香趨奏事禮承祀抑抑威儀彬彬文史浩  
水既臨鄴城是面視民如傷事心惟戰周震善政潘岳

能官企彼前哲顧已非難余之室人君之從妹加以篤  
款頗蒙提誨銘之在心沒齒唯佩契濶關隴連翩冀代  
余任主簿眉山之川亟會琴臺兼遇名賢花朝月夜置  
酒題篇近之新城暫申累日謂君積善永保元吉不言  
別後忽嬰斯疾如何清暉奄辭蘭室嗚呼哀哉承諱驚  
惶聞喪慟泣前悲未盡後哀仍集白馬不追素車安及  
悲人世兮太促歎死生兮異路玄壤冥兮難窮黃泉寂  
兮易暮客位空而聚塵書臺掩而生蠹嗟古人兮神交

念往哲兮虛通淚有竭兮心尚感聲有止而哀無窮宿  
草哀兮凝秋露白楊慘兮生悲風痛遊魂兮安在徒醜  
酒兮招空嗚呼哀哉

平城縣正陳子幹誄

昔聞子路雄烈赴難如歸先軫忠貞雖死無悔故能貽  
芳塵於後世狗一作節義於遐年况乎勇嗣前修功深

曩代者豈可使身名頓滅典籍無聞悲夫余弟少府則  
其人也弟名子幹字元楨梁右將軍信義太守之孫陳



晉安王府諮議吳平侯之第三子也。惟元植稟質純和，天挺聰俊，生知孝悌，早擅雄才。屬金陵亂離，王室版蕩，人倫東喪，禮樂西歸。泊於一門，同遷灞岸。是則開皇九年之四月也。家君有鍾儀之操，懷敬仲之心。遂屏跡杜門，茹憂成疾。忽悲風樹痛，深陟岵。其時余年十九，爾始八歲。伶仃辛苦，實迫饑寒。青門乏種瓜之田，白社無容身之地。一溢一作登之米，已索一瓢之飲。屢空日夕，相悲分填溝壑。賴余以少，遵庭訓夙稟家風。曾覽五經，頗窺

三史追孔融之令範慕張楷之高蹤長安主人儀同郝  
朔要余入室仍寄廡下遂慕西河縉紳公子負笈雲萃  
藉此束修方濟餬口幸以爾幼不好弄長實庶幾因茲  
入學以勤以苦諒非性分何能成立隋齊王英禮賢待  
士沛獻非儔召入平臺悅其篆隸仍題銀榜取埒仲將  
足稱妙絕見美當世隴西李巨仁才華任俠一作使與余  
疑宿素欽其俊又因妻以女非厥人品孰能致之及爾  
委質周行策名吏部公卿籍甚士類一作友趨風俄而詔

授并州平城縣正是乃深閑簿領妙達治方蘊冰蘖而  
不渝顧松筠而無改屬隋運將謝盜賊公行太上皇于  
時留守并州龍潛汾水所管州縣咸聽指麾專摠兵機  
式遏寇虐元楨素便弓劍立性雄昭屢剪兇渠頻蒙榮  
賞凡有草竊咸資決勝以大業十二年八月有賊帥郭  
六郎一無  
郎字將兵三千人來侵縣境元楨受命率徒數百  
獨飛輕騎手斬十人賊見威雄莫不披靡忽遭流矢斃  
於陣中春秋三十有一嗚呼哀哉嗟爾輕生奮不顧命

在天胡忍殲我哲人方冀龜文以諧豹變如何馬草遂  
裹師元嗚呼哀哉爾從官東西死生契濶與余一別已  
逾二紀往聞非命實用痛心媿鶴鴒之在原悲棠棣之  
先落惜哉同氣冥漠何之嗚呼哀哉余以貞觀六年二  
月十日夜於相如縣夢見爾靈仍於夢中共馳哀慟乃  
涕沅於枕悲不自勝嗟乎門祚不昌鍾此哀薄既乏子  
姪終鮮兄弟顧影煢獨實切肝腸是知結草酬恩魏顆  
之功無爽出魂屢請蔣濟之子非虛雖生死之或殊諒

鬼神之有識不任感愴追誅友於式紀遺塵庶同潘岳  
敢詢前典而為誄云

猗歟我祖承舜之緒爰從媯汭下居潁汝鳳飛于齊輝  
映于許宛彼長陵離江而舉攀手桂林篤生翹楚淮海  
喪亂闕河播遷忽傾庭蔭痛結昊天惟我兄弟泣血連  
翩余雖弱冠爾尚童年立雖無地窺竈無煙余稟家風  
世敦經史式崇儒教俄而成市衣食是資殷憂備履爾  
因修學遂能克己孝敬有裕才華難擬言行無擇自此

揚名偏工篆隸獨擅嘉聲爰參選部乃任平城金科是  
執玉律逾明尤便弓劍本慕忠貞皇上龍潛居汾之汭  
兵權攸摠諸侯是制郭六白渠稱兵齊衛元楨受律奮  
威投袂躍馬星奔抽戈電逝斬將塞旗罕當鋒銳忽中  
飛鏑在陣而斃嗚呼哀哉人亡勇敵衆疾英竒况逢亂  
世功無所施在位非重居名極卑不登廟食虛死何為  
凡百君子各慎爾儀獨埋玄壤誰其賞知空令親友遙  
哭路岐無復蒲簡惟餘墨池露團宿草風響松枝山花

開落隴月盈虧一朝非命千秋永離嗚呼哀哉余於縣  
府春宵獨寐忽覲爾靈夢中相值執手嗚咽其傷

疑作共

傷

憔悴語未及終儵如電駟實感我心寤乃驚悸恍焉如  
失伏枕流淚曾聞賁父魯侯命志亦承揚贊宋策云記  
矧伊義勇取埒無愧非余所述誰當在意興言遠感發  
增情思援翰寫心式旌遺事嗟爾義夫英聲不墜嗚呼  
哀哉

德先生誄

李華

或問曰德先生者奚氏余曰南陽張姓有畧其名維之  
其字也或曰與古誰倫可造七十子乎余曰七十子或  
賢或恒人方於賢原憲

文粹  
作思

宓不齊其比也或曰大哉

余曰七十子親聖人之道者也七十子得聖人彊吟之  
際維之得聖人衣冠之潤向使獲親聖人則鱗差耕雍  
也或曰何咎而瞽余曰聖賢偕時故春秋之亂冉耕惡  
疾左丘明卜商皆瞽聖如夫子失司寇饑於陳蔡忠如  
萇弘明

文粹無  
此字

謀尊王室而戮死君子道消故仁賢窮



維之隣道昌黎韓極

文粹作極

亦以德聞與維之同病不幸

二子不以病為僉不喪中明者也或曰夫如是得無誅

之余誅之曰神胡病後之人而奪先生噫嘻哀夫

文粹有人

字德甫余將疇兄

故衡州刺史東平呂君誄

柳宗元

維唐元和六年八月日衡州刺史東平呂君卒爰用十月二十四日槨葬於江陵之野嗚呼君有智勇孝仁惟其能可用康天下惟其志可用經百世不克而死世亦

無由知馬君由道州以陟為衡州君之卒二州之人哭者逾月湖南人重社飲酒是月上戊不酒去樂會哭於神所而歸余居永州在二州中間其哀聲交於北南舟船之下上必呱呱然蓋嘗聞于古而覩於今也君之志與能不施於生人知之者又不過十人世徒讀君之文章歌君之理行不知二者之於君之

獨本  
作其

末也嗚呼君

之文章宜端於百世今其存者非君之極言也獨其詞耳君之理行宜及於天下今其聞者非君之盡力也獨

其跡耳萬不試而一出焉猶為當世甚

獨本  
作所

重若使幸

得出其什二三則巍然為偉人與世無窮其可涯也君

所居官為第三品宜得謚於太常余懼州刺史

二字集  
作史

之逸其辭也私為之誄以志其行其詞曰麟死魯郊其

靈不施濯濯夫子胡潔其儀冠仁服義干櫓詩書忠貞

繼佩智勇承蒸

獨本  
作基

跨騰商周堯舜是師道不勝禍天

固余欺鬼神齊

集作  
不

怒妖孽咸疑何付之德而奪其時

嗚呼哀哉命姓惟齊

集作  
呂

勤唐以力輔寧萬邦受祚

集  
作

胙爾國維師元聖周以降德世征五侯伊祖之則嗣濟

厥武前書是式至於化光爰耀其特春秋之元儒者咸

惑君達其道卓焉

集作然

孔直聖人有心由我而得敷施

變化動而不克推理惟功舒文以翼宣於事業與古同

極道不苟用資仕乃揚進於禮司奮藻含章決科聯中

休聞用張署讐百氏錯綜逾光超都諫列屢卓其囊帝

殊爾能人服其智戎悔厥禍款邊求侍咸

集作咸

選邦良

難乎始使君登御史贊命承事風動海壖皇威以致來

惣征賦甲茲郎吏制用經邦時推重器諸臣之復周官

匪易漢課賤奏鮮云能備君自他曹載出其伎

集作於伎筆

削自任羣儒

蜀本作倫

莫

集作草

議正郎司刑邦憲為貳逖佞

蕭邪

柳州本作紉逖佞蕭

諂諛其畏

八字集注作糾逖伊蕭邪諛其畏

遷理於道

集作道民

服民

一作民服

休嘉思踈若眈惕邇如遐實閉其閤而

撫於家載其愉樂申以舞歌賦無吏迫威不刑加浩然

順風從令無譁絲

集作繇

蠶外邑我蠶盈車雜耕鄰邦我

黍之華既字其畜亦藝其麻磬鼓斯屏人喜則多始富

中教興良廢邪考績既成王用興嗟陟於嶽濱言進其  
律號呼南竭謳謠北溢欺吏悍民先聲如失逋租匿稅  
歸城自出蕪并既息罷羸乃逸惟昔舉善盜奔於隣今  
我興仁化為齊人惟昔富人或賑之粟今我厚生不竭  
而足邦思其弼人戴惟父善胡名災仁胡雁咎俾民伊  
怙而君不壽矯矯貪陵乃康乃茂嗚呼哀哉廩不餘糧  
集作藏不積帛內厚扶嫻外調賓客恒是懸罄逮茲易  
食筭僮無凶服葬非舊陌嗚呼哀哉君昔與余講德討儒

時中之奧希聖為徒志存致君笑詠唐虞揭茲日月以

耀凡

集作聲

愚疑生所怪怒起特殊齒舌噉噉雷動風驅

良辰不偶卒與禍俱直道莫試嘉言罔敷佐王

集作王佐

之

器窮以郡符秩在三品宜謚王都諸生羣吏尚擁良圖  
故友咨懷累行陳暮是旌是告永永不渝嗚呼哀哉

虞鶴鳴誄

維某年月日前進士虞九臯字鶴鳴終於長安親仁里  
既克葬於高陽原二三友生皆至於墓哀其行之不昭

於世追列遺懿求諸后土申薦嘉名實曰恭甫乃作誄

曰

昔

集作吳

虞之分爰宅上陽其後優游在越為鄉延詡輔

漢恢定封疆東徙之賢時惟仲翔曰預曰喜在晉克彰

義篤斯久

集作文

有苾其芳秘書多能垂耀於唐洎於漢

陽世德以昌

君先父終河州刺史

毗贊尚父休徽用揚惟我先君

並時翱翔洽主記室蔚其耀

蜀本作輝

光實契伯仲永永不

忘漢陽元子實紹其美傳習儒

集作餘

風彪炳文史克恭



以孝惟禮是履譽洽於鄉論為秀士百郡之選叢於京

師昧沒騰藉乘凌蔽欺生之始至則奮其儀退然

集作默

以謙人悅而隨名卿是挈先進咸推方出羣類振耀於  
時禍丁舅氏漂淪海沂捧訃號呼匍匐增悲喪有幼主  
禮或多違孰徇於名而不是思投袂就道乘艱若夷竭  
誠喪具申敬裳帷萬里來復祇祔於墓遽不凌節儉而  
有度由其溫恭守以貞固行道咨嗟觀禮興慕復從鄉  
賦煥發其華克不再舉聞於邦家倚閭千里歡咏斯多

嫺族盈門載笑且歌君之不淑名立志阻

蜀本作沮

慶歸其

鄉身終逆旅生死已間壽觴方舉賀書在途委骨歸土

哀歡易地弔客交戶神胡不仁降此大苦嗚呼哀哉惟

昔夏首羈貫相親通家修好講道為隣既冠於阼思致

其身升於司徒及爾繼年交歡二紀莫間斯言愉乎其

和確爾其堅更為砥礪咸去韋弦今則遽已吾其缺然

嗚呼哀哉諫行謀謚惟古之道生而無位沒有其號惟

是友生徘徊顧悼爰用壹惠幽明是告溫溫其恭惟德

之經先民有言

集作

今也是旌嗚呼恭甫欽哉嘉名

文苑英華卷八百四十三

欽定四庫全書

文苑英華卷八百四十四 宋 李昉等 編

封禪

大周降禪碑

李 嶠

愚臣觀象銅衡紬文金版變化莫神於開闢崇高莫大於富貴陰陽密運帝王操輔相之機歷數潛迴穹壤授甄陶之業故謂上下同德幽明合契靈祇有命既錫造於雍熙人主推功必申虔乎報謁奉符而勤一作勒是成展

乎疑作

修祀而益厚增高有道存焉其來尚矣自旦昏

交謝文質遞遷朴畧洪荒上行於萬八千歲陵夷因革

下傳於七十二家披圖而考其樹風按軌而詳其陳迹

莫不祇肅其事神明其道龍駕帝服疆場於鄒魯之垆

犧尊象彝藁結於云亭之上咸就發生之宇以為禮神

之宅未有迴輿按驛覲中土之神靈刻石泥金崇外方

之裡祀名臣於是乎斷其去就良史

一作史非

於是乎題其

失得然則置表測日陽城當六氣之交際

一作傑疑

林奠山

太室為九封之長神翰降生於廊廡王畿仰矚於峯岫  
風雷所蓄俯鎮於三河辰緯所躔旁臨於四岳立崇乾  
事坤之兆䟽就下因高之位捨此地也疇其尚焉歷千  
載而撰徽音罕聞先覺超百王而崇軌躅允資元聖我  
大周之有天下也鼓道德之林敷恢聖神之事業始於  
閭闔成於家邦輝光燭於兩朝德澤流於八裔登庸納  
麓一作錄則舜有大功錫範陳謩則禹濟元后謳歌而鼎  
新草故揖讓而改物承天由北馬而御飛龍自頽沙而

臻練

疑作鍊

石蓋千帝所不能及六籍所不能談若夫兆

朕鴻源網緼寶系載千嗣於改律窮存連乎夢梓皇天

曠命積大寶而為家聖道會昌擁洪鑪而作極神基將

偃伏構僊派於昭回同遠太祖無上孝祖高帝合

一作舍

幾察道盡睿窮神屈帝象而龍潛座台庭而虎變黃星

造魏而文握漢圖赤羽興熙

疑作姬

而武遷商鼎天冊金

輪聖神皇帝遂荒三極奄有萬方御六辯而高馳憑九

霄而下濟若乃玄通不測之智神用無方之業超因越

果名流於貝葉之書應物隨緣迹滿於蓮花之會秘恍  
忽於言象徵希微於讖錄亦猶寶應慈物推心坐雄帝  
之朝吉祥哀時屈已登女皇之位此之謂神力張竅立  
寓蕩海夷山正八柱之低昂理三光之盈縮乾坤一作象

關鑰於廡下品物鑪錘於堂

一作掌

內春生夏長循環奉

亭毒之仁暑往寒來奔走赴財成之節此之謂天造左  
規右制俯察仰觀揆朱鳥於南宮契玄龜於東洛天威  
四臨而有截王道一家而無外均霜調露正六合之樞



機叶軌同文立三川之朝市此之謂建國臨戶牖之法  
座垂星辰之采章嚮明而居端默以聽號令存於寬大  
規畫出於易簡循名責實而苟且之弊銷極深研幾而  
變通之理得此之謂立政焔煙灰之墜典寫溪谷之遺  
音無體無容與天地同節有法有象共陰陽通氣引之  
而被乎百代橫之而充乎四海此之謂禮樂雷電皆至  
先王以折獄致刑歲月履端君子以懸書立法殊井疆  
而知禁畫衣冠而不犯疏械破杻掩方載而勝殘解網

取冢閉圓扉而靜讞此之謂刑典操盾秉翳立於賓主  
之階縫掖樞衣聚之東西之學辨尊卑於章服觀禮容  
於俎豆委裘多暇合九德以成歌垂拱無為援五絃而  
度曲此之謂文教因農隙而講事順天時而鞠旅定功  
在於歸一作休馬保大由乎止戈然後干苞虎皮箭射豸  
首鞞鼓不作廟堂懸百勝之威尉候無虞征戍罷三邊  
之後此之謂武德籍乎千畝所以備粢盛齊於九疑所  
以嚴禋享苞茅潔乎楚入樽俎隆乎殷奠於穆顯相而

公侯駿奔肅雝和鳴而祖考來格此之謂孝理金玉是  
賤委於嶄巖之山輿馬不珍捐其腰裏之服御高辛之  
黃黼垂孝文之阜緇栝柱茅茨未能埒其卑損藜羹糗  
飯無以儔其菲薄此之謂冲挹任臯夔衡旦之輔酌虞  
夏商周之書網羅并包商推擬議衆目張而彛倫叙羣  
才用而庶績康野無遺賢朝無闕典猶且昧旦懃懇方  
宵厲惕虚心解顏博愛兼聽防六事察五聲檢身有常  
視準繩而為度祇德罔倦刻盤盂而自警遺身主於循

物勞已存乎逸人是以息澤流通教化洽著龍荒鼠徼

覃寓外之雍熙鳳穴麟洲奉寰中之度律遠安邇肅地

平天成

一作天  
平地成

玉律調年珠囊叶紀棲京坻於隴畝逸

馬牛於衢路惇嫠蒙餼班白不提閭閻無犬吠之驚風

俗有鷄居之暇原隰驅軹之使採詩聽歌舊畬

一作  
細撒植

杖之翁擊壤鼓腹和氣旁薄禎符盼蠻招一角五蹄之

仁獸儀九苞六象之仙禽毫擘出其祥麟昆田化其珍

物日烏素毛而丹喙天龜玄甲而青純雲蒸霧涌拜九

洛之璿圖電激雷奔受三清之寶冊若乃山鷓海鰈石  
銘巖篆之符候月搖風連葉駢柯之祉神靈之所酬酢廣  
大之所薦成紛紛葳蕤紹至疊見董狐之窮墨罄簡書  
而未周夷吾之傾辯畢辭談而不盡昇平之浹洽也如  
彼符命之昭彰也若此固可以循類帝之事奉丕天之  
律聖上方固懷讓德虔守謙光升中之儀推而不莅也  
於是王公庶尹牧伯羣寮粵耆艾惇龐之儒洎蠻夷戎  
狄之長咸進而稱曰陛下欽承元命對越上玄廓天地

之宏圖張祖宗之丕業臣妾四極驅馭百靈鼓舞發育  
經緯彌綸之績宣滲漉沉潛懷柔容保之恩備是以人  
祇順德遐邇宅心玄符畢臻黃瑞盡出幽贊乎祖考一作

考之茂烈發明乎施尊之盛儀意者三塗滅氛二室儲

貺以望屬車之塵久矣帝者雖倦焉得距而已乎伏願

坦至公之懷捐獨善之意欽若大典疇咨故實上以光  
七廟之休德下以納羣生之福祐長為稱首豈不美歟  
帝曰俞哉乃包含藝文考練風俗採儒術徵禮官窺五

歲之典章覈四朝之制度叔孫掌事容成諏日以天冊

萬歲二年臘月乙亥闢丹掖開紫微撫玄虬按黃道叶

紀先路靈威並轂五戎促節旗常

一作  
旌旗

畫垂象之文六

甲分營壁壘暖太陰之氣雷動海運天迴星轉踰鼎觀

而南下望圭臺而左薄陸離方攘煥炳聿皇以屈夫嵩

陽萬乘停鑣百司就列文物隱地遺光滿於竹

一作  
獨非

宮

輿徒沸川輕壚埋於石柱天子乃幸齊寢披仙幄靡薜

荔之席陟蟪蛄之臺惟夫蠲意澄心所以至誠盡敬於

是乎山祇護野風伯清塵玉醴潛滋金砂闔涌神鐘驚  
曙峯巖傳九乳之音寒律移暄草樹動三陽之色徵祥  
之報影響不違壬午柴燎祀昊天上帝於南岳顯祖立  
極文穆皇帝太祖無上孝明高皇帝侑神作主天子戴  
圓冕披大裘登三垓植四邱藉陳菹秸器用陶匏高炎  
四施耀流沙而燭滄海廣樂六變來象物而降天神感  
霏煙瑞一作滴露之徵延薰風景星之祉大禮既畢應嘉  
既臻思欲契精爽於高明剖靈符於峻極甲申御金蹕



登玉輿環拱百神導從羣后遂陵桂萼攀松蹬跨崢嶸  
而出煙道排列缺而壯天門羽節高揮上下烏星之次  
龜壇下映俯瞰鵬雲之色瓊文祕檢絡之以銀繩寶筭  
休期探之於金策交大靈於咫尺受洪釐於億萬然後  
倘佯煙霄怙悵古昔凝神於九天之上遊目於八紘之  
表睠觸石之雷雨爰覃作解之恩仰斗杓之運行仍布  
惟新之令是日大赦改元為萬歲登封元年歡洽幽明  
慶沾動植千齡之統由聖代而連九皇萬歲之音自神

仙而周四海休氣低而翔輦神光起而屬天抃舞相趨  
以降於行殿丁亥禪祭后土於少室下趾東南顯祖妣  
立極文穆皇后太祖妣無上孝明高皇后侑神作主戈  
矛山立玉帛星陳登澗沼之毛輯江淮之物禹會之殊  
方異俗俱執豆籩漢祠之偉獸珍禽悉加壇墠撫空桑  
之琴瑟斟鬱鬯之樽罍咸秩衆靈遍祀羣望席以黃琮  
為鎮書以青石為緘元封之謁款一作款謁方丘儀因東峙  
建武之推功太折禮視北郊陽烏珥而仙鶴飛紫雲騰

而黃霧起靈之來兮如雨瑞之委兮如山於是事畢功  
弘禮周慶洽方欲輯珪璧陳黼任鋪六代之禮文受萬  
邦之朝賀宏規大業其盛矣哉蓋淳源寢衰叔葉多故  
神器不還於至道尊名或假於涼德秦嬴極暴企踵於  
無為之朝漢徹窮奢厚顏於盛德之事人不見義其來  
自久我后首出帝先遂康天步登封降禪握宇宙之樞  
衡立顯崇功一作從初定皇王之軌式鴻勳上格於窮昊厚  
福旁浸於黎元焯焯煌煌亘寰區而宣壯麗巍巍蕩蕩

橫山丘而殷聲名固已轡前聖之規模開含靈之耳目

方使炎農抱愧愕睨

一作昭

於梁甫之阿姚舜欽風延佇

於崇高之路天下之功成矣域中之能事畢矣昔者鳥

獸率舞一人賦元首之篇戎夷來賓四子詠中和之樂

時僅平而頌作俗未泰而歌興况乎咸五登三遠承文

武之烈襲六為七近叶春秋之義神功與二儀並運顯

號將七曜俱懸豈可使時邁無詩於皇不作臣嶠謬忝

司牧躬陪錯事末光幸煦長傾捧日之心仙石徒攀終

愧凌雲之筆敢承明制而為頌云

天命上君君臨下土靈祇允懷品物咸覩翁受三六時

乘九五於昭文明粵若稽古闕鑠

一作鑠

六氣庭衢八荒

殊隣筐篚絕黨梯航河海晏謚閭閻阜昌琴橫帝宸鼓

卧邊場齊衡均度制禮作樂武戢五戎文興四學法宮

布政靈臺視朔化偃中和人還太朴湛恩布護協氣氛

氤嘉庾歲積休符日間祥開草樹慶動煙雲乾冊丹篆

河圖紫文欽若元命率由前典道洽升中功成丕顯神

筭演卦名山除壇翠鳳銜  
蕤玄龍御辯迴鑿左屆弭節  
中樞萬騎雷動羣方電趨層  
壇殷薦登鑿山符駐輦星  
躔交神漢曲雷雨下濟輝光  
仰燭地戶開扉天牢罷獄  
萬歲重熙三辰改旭迎陰廣  
澤報地方畦庭合六舞筵  
陳兩圭神靈第<sup>一作</sup>瑞  
臣象天犀牒貫銀縷函封金  
泥禮具德明神觀瑞浹儲筭  
玉斗賜齡金篋知崇高之可  
封悟梁甫之虛躡敷帝道於  
一藝振天聲於萬葉

文苑英華卷八百四十四

欽定四庫全書

文苑英華卷八百四十五 宋 李昉等 編

儒一

益州夫子廟碑一首

遂州長江縣先聖廟堂碑一首

益州夫子廟碑

王勃

述夫帝車南指逝七曜於中階華蓋西臨藏五雲於太  
甲雖復星辰蕩越三元之軌躅可尋雷雨沸騰六氣之



經綸有序然則撫銅渾而觀變化則萬象之動不足多也握瑤鏡而臨事業則萬機之湊不足大也故知功有所服龜龍不能謝鱗介之尊器有所歸江漢不能竊朝宗之柄是以朱陽登而九有照紫泉清而萬物覩粵若皇靈草昧風馳受河洛之圖帝象權輿雲鳳錫乾坤之瑞高辛堯舜氏沒大夏殷周氏作達其變遂成天下之文極其數遂定天下之象衣冠度律隨鼎器而重光玉帛謳歌反宗裡而大備洎乎三川失御九服蒙塵俎豆

喪而王澤竭鐘鼓哀而頌聲寢台陵高會諸侯輕漢水  
之威踐土同盟天子窘河陽之名三微制度乘戰道而  
橫流千載英華與王風而掃地大業不可以終喪彝倫  
不可以遂絕由是山河兆朕素王開受命之符天地氤  
氲玄聖舉乘時之策興九圍之廢典振六合之頽綱有  
道存焉斯文備矣夫子姓孔氏諱丘字仲尼魯國鄒人  
也帝天乙之靈苗宋微子之洪緒自玄禽翦夏浮寶玉  
於南巢白馬朝周載旌旗於北面五仙神器琮璜高列

帝之榮三命雄圖鍾鼎冠承家之禮商丘誕睿下屬於  
防山泗水載靈遙馳於汶上禮樂由其委輸人儀所以  
來蘇排禍亂而構乾元掃荒屯而樹真宰聖人之大業  
也若乃承百王之丕運揔千聖之殊姿人靈昭有作之  
期嶽瀆降非常之表珠衡玉斗徵象緯於天經贊據龍  
蹲集風雲於地紀亦猶三階瞰月恆星知太紫之宮八  
柱衝霄羣嶺辨中黃之宅聖人之至象也若乃順時而  
動用晦而明紆聖哲於常師混波流於不問太陽亭午

收爝火於丹衡

一作權

滄浪浮天控涓涔於翠渚西周捧

袂仙公留紫氣之書東海摠衣郟子叙青雲之秩接輿

非聖詢去就於狂歌童子何知屈炎涼於詭問聖人之

降跡也若乃叅神揆訓錄道和倪辱太白於中都絳乘

黃於下邑湛無為之跡而衆務同并馳不言之化而羣

方取則雖復電旌

一作旌旄

羽旆齊人張夾谷之威八佾三

雍桓氏逼公宮之制洎乎歷階而進宣武備而斬俳優

推義而行肅刑書而誅正郊用能使四方知罪爭歸舊

好之田三家變色願執陪臣之禮聖人之成務也若乃  
乘機動用歷聘棲遑神經幽顯志大宇宙東西南北推  
心於暴亂之朝恭儉溫良授手於危亡之國道之將行  
也命道之將廢也命歸齊去魯發浩歎於哀周厄宋圍  
陳奏悲歌於下蔡聖人之救時也若乃筐篚六藝篳簧  
五典折旋洙泗之間探賸唐虞之際三千弟子攀睿化  
而升堂七十門人奉洪規而入室從周定禮憲章知損  
益之源反魯裁詩雅頌得絃歌之音備物而存道下學

而上達援神叙教降赤製於南宮運斗陳經動玄符於  
北洛聖人之立教也若乃觀象設教法三百八十四爻

四十有九窮神知化應萬二千五百

周易作萬有一千五百二十

五

十有五成變化而行鬼神觀陰陽而倚天地以鼓天下  
之動以定天下之疑索衆妙於重玄纂羣微於太素聖  
人之讚易也若乃靈襟不測睿視無涯石罅昭集隼之  
庭土缶驗羶羊之井稽山南望識皓骨於封禺蠡澤東  
浮考丹萍於夢渚麟圖鑒遠金編題佐漢之符鳳德鈞

深玉策筮亡秦之兆聖人之觀化也時義遠矣能事畢矣然後拂衣方外脫屣人間奠楹興夕夢之災負杖起晨歌之跡撓虹梁於大厦物莫能宗

一作文

擢日觀於魯

丘吾將安仰明均兩曜不能遷代謝之期序合四時不能革盈虛之數適來夫子時也適去夫子順也為而不用九五而長驅成而勿居撫雲霓而高視聖人之應化也自四教遠而微言絕十哲喪而大義乖九師爭大易之門五傳裂春秋之輻六體分於楚晉四始派於齊

韓淹中之妙鍵不追稷下之高風代起百家騰躍攀戶  
牖而同歸萬匹驅馳仰陶鈞而共貫猶使絲黃金石長  
懸闕里之堂荆棘蓬蒿不入昌平之墓聖人之遺風也  
遵揚十聖光被六虛垂素履而保安貞垂黃裳而獲元  
吉故能貴而無位履端於太極之初高而無名布政於  
皇王之首千秋所不能易百代所不能移萬乘資以興  
衰四海由其輕重雖復質文交映瞻禴祀而長存金火  
遞遷奉琴書而罔絕

一作  
網紀

蓋易曰觀乎人文以化成天



下又云聖人以神道設教而萬物服焉豈古之聰明睿  
智神武而不殺者夫國家襲宇宙之淳精據明靈之寶  
位高祖武皇帝以黃旗問罪仗金策以勞華夷太宗文  
武皇帝以朱翟承天穆玉衡而正區宇皇上宣祖宗之  
累洽奉文武之重光稽厯數而坐明堂陳禮容而謁太  
廟八神齊饗傳旒太史之宮六辨同和駐蹕華胥之野  
文物隱地聲名動天樂繁九俗禮盛三古冠帶混并之  
所書軌八紘

疑作  
紘

閭闔無匝之鄉煙火四極竭河追日

夸父力盡於楹間越海陵山豎亥塗窮於廡下薰腴廣  
被景貺潛周乾象著而常文清坤靈滋而衆寶用溢金  
膏於紫洞雨露均華栖玉燭於玄都風雷順軌丹堯翠  
菌藻繪軒庭鳳彩龍姿激揚池御殊徵肸鬻不召而自  
至茂祉昭彰無幽而不洽雖復帝臣南面降衢室而無  
為岱畎東臨陟名山而有事靈命不可以辭也大典不  
可以推也由是六戎宵警橫紫殿而擬金五校晨驅蹴  
玄雲而噴玉星羅海運嶽鎮川渟登碧墀而會神祇御

玄壇而禮天地金箱玉冊益睿筭於無疆玳檢銀繩署  
靈樞於不竭功既成矣道既貞矣歷先王之舊國懷列  
聖之遺塵翔赤驥而下雲亭吟翠虬而望鄒魯泗濱休  
駕杳疑汾水之陽尼岫凝鑾暫似銅峒疑作峒山之典迺下  
詔曰可追贈太師託鹽梅於異代昂路生光寄舟楫於  
同時泉塗改照咸亨元年又下詔曰宣尼有縱自天體  
膺上哲合兩儀之簡易為億載之師表顧唯寢廟義在  
欽崇如聞諸州縣孔子廟堂及學館有破壞并向來未

造生徒無肄業之所先師闕奠祭之儀久致飄零深非

敬本宜令諸州縣官司速加營葺九隴

一作成都

縣學廟堂

者大唐龍朔三年鄉人之所建也爾其州分化烏境狗

蹲鴟羸疑錦室於中區託銅梁於古地玉輪斜界神龍

蟠沮澤之雲石鏡遙臨寶牒一作馬牒禺山之影天帝會

昌之國上照乾維英靈秀山之鄉傍清地絡庠序由其

糾合纓弁所以會同文翁之景化不渝智士之風猷自

遠於是雙川舊老攀帝獎而翹心三蜀名儒想成均而

變色探周規於舊宅詢漢制於新一作成都開基於四會

之躔授矩於三農之隙土階無級就擊壤於新懽茅茨

不剪易檜巢於故事莊壇文杏即架椽欒夾一作樊谷幽

蘭爰䟽戶牖儀形莞爾似聞沂水之歌列侍閭如若奉

農山之對緇帷曉闕橫組帶於西河絳帳宵懸聚青襟

於北海雖秋禮冬詩之化已洽於齊人而宣風觀俗之

規實歸於上宰銀青光祿大夫譙國公諱崇義大武皇

帝之支孫河間大王之長子高秋九月振玉贊於唐丘

寶算千齡躍璇蚪於大渚我國家靈命東朝抗裘冕之

尊宗子維城南面襲軒裳之重折玄元之一有緒擁朱

一有  
肖字

虛之一有位拜玉節於秦京輝金璋於蜀郡玄機應物

祕字

潛銷水怪之災丹筆申冤俯絕山精之訟魏文侯之擁

篲道在而謙尊董相國之垂帷風行而俗易司馬宇文

公諱純河南洛陽人也皇根帝緒列五鼎於三朝青鎖

丹梯

一作  
墀

跨千尋

一作  
種

於十紀仲舉澄清之轡未極夷

塗士元卿相之材先登一作上佐冰壺精鑒遙清玉壘

猶先

之郊霜鏡懸明下映金城之域縣令柳公諱明字太易

河東人也梁岳之英長河之靈沫雲漢之粹精一作精粹荷

天衢之元亨旌旗赫弈於中古珪組陸離於下葉鳳巖

抽律擢層秀於龍門驪穴騰姿吐榮光於貝闕自朱絲

就列光膺令宰之榮墨綬馳芬高踐郎官之右仙鳧旦

舉影入銅章乳翟朝飛聲含玉軫臨卣客位自高文雅

之庭彭澤賓門猶主壺觴之境曠懷足以御物長策足

以服人重泉之惠訓大行單父之謳謠遂遠猶為夏絃

春誦俗化之樞機西序東膠政刑之根本上祇朝憲下

奉藩維爰搜複廟之儀載闡重欄疑作之制三門四表

煥

疑作

矣惟新十

一作

哲宗師肅馬如在將使圓冠方

領再行鄒魯之風銳氣英聲一變賓疑作渝之俗於是

侍郎幽思摘鳳藻於瓊林丞相高材排鳳姿於璧沼遺

榮處士開簾詮孝悌之機頌德賢臣持節聽中和之樂

其為政也可久其為志也可大方當變化台極儀刑萬

宇豈徒偃仰聽事風教一同而已哉勅幼乏逸才少有



竒志虛舟獨泛乘學海之波瀾直轡高驅踐詞場之閭  
闔觀質文之否泰衆矣考聖賢之去就多矣自生人以  
來未有如夫子者也嗟呼今古代絕江湖路遠恨不得  
親承妙旨攝齊於游夏之間躬奉德音攘袂於天人之  
際撫身名而永悼瞻棟宇而長懷嗚呼哀哉敢為銘曰  
五帝既沒三王不歸天地震動陰陽亂飛山崩海竭月  
缺星園禮樂無主宗禋遂微其一大哉神聖與時迴博疑  
薄應運而生繼天而作龍躍浩蕩鵬飛寥廓奄有人宗

遂荒天爵其二尼山降彩泗濱騰氣志匡六合神經萬類

夾谷登庸中都歷試睿情貫一玄猷絕四其三栖遑教跡

寂寞河圖違齊出宋歷楚辭吳風哀俗毀禮去朝無麟

書已卷鳳德終孤其四杳杳靈命茫茫天秩吾道難行斯

文易失式宣六藝財成四術虛往實歸外堂內室五砥邈

矣能仁悠哉化主力制羣辟權傾終古陸離彩絜蟬聯

茅土陟海輕河登山小魯其六皇家載造神風四極檢玉

題祥龜金署德聿懷聖跡同亨天則迺春疑作台庭爰

昇袞職

其七

玉津同派金堤茂版智士高風文翁澤遠毗

淳壤沃聲和俗愿載啓仁祠遂光儒苑

其八

沉沉壺奧肅

肅局除靈儀若在侍列

一作列侍

如初槐新市密杏古壇踈

楹疑置奠壁似藏書

其九

泛泛寰中悠悠天下徇名則衆

知音盖寡硬石叅瓊迷風亂雅仲尼既沒夫何為者

其十

遂州長江縣先聖孔子廟堂碑 楊炯

法象莫大於天地變通莫大乎四時懸象著明莫大乎  
日月備物致用莫大乎聖人夫子諱丘字仲尼魯國鄒

人也龜龍負識帝鴻驅八翼之軒魚鳥呈文天乙降三

分之璧五十二戰權輿驟帝之都

一作基

二十七征草昧

馳王之業平域中之禍亂掃天下之虔劉以盛德大業  
之尊當開階立燧之重及其山崩海竭日薄星迴歷數  
不還謳謠遂遠元子賓周而建國二王之車服可尋上  
卿翼宋而承家三命之衣冠再襲是故陰陽混合洩符  
瑞於平鄉宇宙氤氳灑休徵於闕里龍峻而龜背月角  
而雷聲有軒帝之殊姿有殷王之異表山開遁甲尼丘

落於紫垣星掌巫咸鈎鈐墜於蒼陸淨光童子來遊震

一作

旦之郊乾象明靈

一作

俯下庖犧之國十五而志

學三十而有成中下問於伯陽屈帝師於鄭子天為木

鐸九州知發號之期吾豈匏瓜一國有來蘇之望常

疑作

嘗登委吏稍踐中都天下可臨諸侯取則以之禮而國

定司空之官以成禮以之義而國平司寇之官以成義

掌山林於夏典物得其生聽訟獄於秋官人忘其死大

夫亂法仍行兩觀之誅陪臣執權即問三雍之罪強公

室而

此集無此字

弱私家叙君臣而

此集無此字

明長幼用能使犧牲

和毫<sub>不</sub>登闕闔之庭羽戟旌旄不列壇場之位當是時

也三光薄蝕九土分崩夷狄有君中華無主

集作禮

周京

赫赫成康之至教蔑聞魯國巖巖賢聖之餘風可墜河

圖未出吾道不行周流八方經營四海治

集作政

亂運也

窮通命也荷天下之至聖仍逢盜跖之軍伏天下之至

和猶有匡人之逼德生於我樂天命而何憂文不在茲

臨大難而無懼使仁者必信安有伯夷使智者必行安

有王子豈三千擊水牛蹄不能鼓橫海之鱗九萬搏風  
鷄羽不能扇垂天之翼然後上不臣天子下不事諸侯  
乘殷之輅服周之冕或屈伸於季孟之間或動靜於魚  
龍之際下學而上達將聖而多能博而無名信而好古  
察殷周之禮樂損益可知觀杞宋之文章賢才不足數  
年學易伏羲龍馬之圖三月聞韶嫫帝鳳凰之典信在  
集作存乎德術集作行非數貫於神明集作四時意見乎時制作侔  
於造化已所不欲則一言可以終身人之莫違則一言

可以亡國惡鄭衛之亂雅樂惡利口之覆邦家榮辱定

於樞機褒貶存乎簡牘精誠密召北門集作辰開紫掖之

星福應全來中極敷玄雲集作涌之玄象之氣乃若知幽明之

故見天地之心有感而遂通不行而克至年當甲子潛

知起漢之萌運集作音叶宮商預察亡秦之兆星移大火

追責天司月入陽街集作純陽無勞集作行無兩備季桓子躡羊

之井推木石之禎祥陳惠公集隼之庭驗蠻夷之貢賦

然後歷三辰而玉步照四極而金聲坐於緇帷之林浮



於亶州之海門生七十仰天路以無階弟子三千望宮

墻而不入哲人之能事畢矣先王之至德行矣配乎二

象不能遷必至之期參乎兩曜不能稽有集作非常之動

南遊楚國遂聞哀鳳之歌西狩魯郊獨下傷麟之泣夫

子周靈王二十一年冬十月庚子生至魯哀公十有六

年夏四月己丑卒凡享年七十二于今一千餘歲泰山

頽而梁木壞微言絕而大義乖傳饗祀於百家奉琴書

於十代秦始皇見登床之識集作始亂衣裳魯恭王看

識

壞壁之書猶聞絲竹漢圖起於六千日賜金之禮載優

魏德行於五千年刻石之風未泯述文

集作序字

武者皆憲

章於聖人修學校

集有書字

者僉折衷於夫子自革

集作章

鞫

玉歷毳幕瑤圖皇天無皐白之徵戎狄起豺狼之釁摧

六律絕笙竽塞師

集作替

曠之耳天下之人廢其聽矣散

五彩滅文章膠離朱之目天下之人黜其明矣我高祖

神堯皇帝因三靈之寶歷藉萬國之歡心風起北方月

行中道削平宇宙

集作雷雨

戢干戈於羊馬之年彈壓華夷

照文物於龍蛇之代太宗文武聖皇帝昇瑤壇於曲洛  
受玉版於平河經天緯地盪海夷嶽坐玄宮而密轉紫

微光帝宅之尊戴黃屋以

一作而

深居赤縣列

一作襲

神州

之貴今上天無私覆道不虛行馭六氣而平太階乘八

風而制羣動星連月合層臺而有觀羽之勞海

一作晏日

河移直筆有書祥之倦封太山而禪梁甫千載同歸敞

衢室而築明堂百靈咸秩雲行雨施品物流形天尊地

卑乾坤定矣若乃虞夏商周之禮考正朔而三遷東南

西北之人混風聲而一變環林拂日映高柳而對扶桑

圓海澄天走鯤池而涵象浦粵以乾封元

一作三非

年有詔

追贈夫子為太師咸亨元年又詔州縣官司營葺學廟  
憑風雲於異代照日月於殊途死者有知歿而無朽如  
綸如縉大君於號令之嚴匪朴匪雕上宰極司存之敬  
長江令揚公弘農華陰人也即華山公之孫大將軍之  
子朱宮帶地明河一葦之西黃闕中天神嶽千花之北  
山川壯麗於區宇人物繁多於海內齊九龍而闊步一

門鍾豹變之榮襲五公而長驅四代赫蟬聯之祉出忠  
入孝誕秀興賢冠蓋城邑池臺鐘鼓英靈輻湊鏘鏘萬

玉之門嘉瑞駢羅濟濟千金之子是故北方多士太一

壯其

集作一  
壯表乎

魁梧南國仙人中書偉其端雅椅桐可仰

丹漆燕

集作  
重

施照明月於胸懷吐清風於襟袖滅武仲

之智卞莊子之勇

集作  
法

可以為大臣矣韓尚書之臨八

座發跡下邳卓太尉之踐三階來從密縣自操刃入仕

聞魯邑之絃聲解劔分司察豐城之寶氣汝陰徐令大

號無雙河內王君時稱未有飛雪千里不能改松柏之

心名都十城不能動夷齊之行先是殊方暴客常集作恒

嚴鉅野之兵絕磴奸豪每縱潢池之虺集作虐數州常以

為集作久弊歷政所不能移行人為之聚眾集作提疑耕父由

其釋耒公英謀獨斷銳氣無前奮一劍而戮元兇馳單車

而躡遺堞道旁牛馬並屬羅衡縣內神明皆稱傳琰若

乃山林猛獸動星象而垂文江漢羴吐集作毗鼓風颺而

作愾城門六閉未防虞吏之災都市三言終有三君之

暴公雄心裂背壯髮衝冠按東海之金刀飛北斗之石  
箭岡巒不擾有符劉孟之城坑穽無虞更似童君之邑  
自非愛人猶子視物如傷豈能躬斬兇渠親除災害與  
夫赤繩不用道被於瑕丘桴鼓希聞化移於京洛可同  
年語哉然後示之以禮儀陳之以庠序興役鳩工集無此句  
憑三時之間暇薄賦輕徭視集作覲四野之川原依城負  
峽青泥險磴斜連白馬之關赤岸長波遠注黃牛之夾  
懸四刃而開蓋部照參伐於天光賦三錯而闢梁州集作

長絕岷集作

岷於地德背山臨水掩全蜀之膏腴望月

占星採公宮之法度丹墻數仞吐納雲霞椽柱三間蔽  
虧風雨瑠璃曉闢東宮雀目之窻玳瑁朝懸西漢地鱗  
之楣圖光芒於北斗聖質猶生赫符彩於連珠宏姿可  
想至於月衡月準山額山庭侃侃星文堂堂日角莫不  
向之如在疑遊北上之山望之儼然似囑東流之水博  
士助教某等西州聞望南國英靈駭飛兔於文場躍雕  
龍於筆海揚雄博識神遊象繫之端李洽幽通思入璣



衡之表每至韶光令月朱鳥乘春爽氣高天玄龜送歷  
瓊筵玉豆中堂奉先聖之儀石磬金鐘南面習諸侯之  
禮華陽曾子鼓篋來遊蜀國顏子振衣請學絃歌在側

集作

還昇武騎之臺禮樂居前重覩文翁之室初初茂

德濟濟時英聖人千載之風儒者一都之會丞主簿尉

某等青田戒露望華盖而長鳴綠地生風下仙閣一作

而直轡大夫貞節還居內史之丞文學明誠集作猶集

盡歷南昌之尉鄉望姓名等王孫獵騎騁原隰之盤遊

公子文鋒叙江山之體勢符偉明以都官謝職逢有道  
而相推趙元叔以郡吏從班見司徒而不拜僉以鄉閭  
少事風月多懷命童子於雲臺就門人於相圃冬禮春  
詩之化再造雙川淹中稷下之風一匡二集作蜀若夫

平南壯烈沉流水於裁碑逐北勲庸

集作元勳

登燕山而刻

頌庾太尉新亭之墓尚有黃金鄭康成通德之門猶存  
白瓦况乎功苞大象績被蒼生豈使銘典闕如音塵不

嗣是則

集作用

雕墻峻宇列冠蓋於宜城塞陌填街考春

秋於太學小子狂簡不知所以裁之夫子之文章今可得言也詞曰

西崑玉闕南海金堂惟惚惟恍一陰一陽三辰赫赫九  
土茫茫太極天帝神州地皇驪連上古混沌中央降及  
軒頊終於夏商四時玉斗五緯珠囊聖德千載淳風八  
荒天開赤籙日照青光識叶金匱兵符玉璜化隆文武  
澤盛集作切成康天子穆穆諸侯皇皇春秋代謝宗社危  
亡帝典無集作垂象人倫不綱山河命德天地興祥禮樂

三變文明一匡原承少典祚啓成湯吹律丹鳳御符作  
鈞白狼三仁去國再命循墻不有積善其何以昌降靈  
鄒邑誕哲平鄉月角摘彩星鈴吐芒文行忠信恭儉溫  
良或默或語能柔能剛學而不厭師亦何常通禮明德  
尊賢毀方古之君子昔者明王道叶公旦神交帝唐攝  
官從事服冕端章示之以德臨之以莊澤如春雨威若  
秋霜男女斯別尊卑克彰時逢版蕩運屬悽惶入齊損  
味居陳絕糧登山極目臨水倘佯無道斯隱捨之則藏

季孫大賚敬叔揄揚問官郟子受樂師襄神明叶贊雅

頌鏗鏘紫麟遙集丹烏遠翔生靈水火家國舟航功符

日用德叶天長倏嗟崩嶽奄歎摧梁昧昧神道悠悠彼

蒼書開懷宅讖識

集作發

登床與代輕重因時弛張羶裘

黼黻沙漠壇場璣衡慘怛載籍膏肓汾河水白晉野星

黃軒電臨斗殷雷

集作雲

入房九圍臣妾八極城隍東序

西序上庠下庠粵惟銅墨實號金箱

集作相

靈山地輔德

水天潢芝蘭秀出羔鴈成行玉匣孤劔瑤臺驩驩懲奸

搖

集作  
挂是

右濟猛移蝗風傳積石道被滄浪絲言渙汗經

葺相望夏井連植秋窗桂芳綉楹文琰綺綴明璫四注

飛閣三休步廊禮行釋菜敬盡明薌圖非有若地異空

桑伏羲書契女媧笙簧匏土金石珪琮璧璋高門程鄭

碩學王楊威儀秩秩宮徵瑒瑒山棲烏

集作  
烏

鳥冰宿駕

鴛蜀門荷戟江津濫觴落星高堰明月回塘丹碑不朽

清廟無疆

文苑英華卷八百四十五

欽定四庫全書

文苑英華卷八百四十六 宋 李昉等 編

儒二

兗州曲阜縣孔子廟碑一首

陳留郡文宣王廟堂碑一首

許州文宣王新廟碑一首

柳州新修文宣王廟碑一首

處州孔子廟碑一首



書處州韓吏部孔子廟碑陰記一首

兗州曲阜縣孔子廟碑

李邕

嘗觀元化陰藏上帝玄造雖道遠不際而運行有符揚

權大抵宣考神用逮

一作建

人統之可復補天秩之將頽

其揆一也昔蚩尤怙賊厥弟驕兵巨力朋徒合緒連禍

則黃帝興聖首

一作重

出群龍推下濟以君人儆勤畧以

勩亂逮至橫流方割包山其咨轉死為魚鱸食不粒則

堯禹並跡振拔殷

一作隱

憂導百川康四國粵若殷禮缺

周德微宋公用鄆楚子問鼎則夫子卓立燦然成章闢  
邦家之正門播今昔之彞憲此天所以不言而成化聖  
所以有開而必先其若是者乎故夫子之道消息乎兩  
儀夫子之德經營乎三代豈徒小說蓋有異聞夫亭之  
者莫如天藉之者莫如地教之者莫如夫子且沐其亭  
而不識其道則不如勿生荷其藉而不由其德則不如  
勿運故曰消息乎兩儀者也夫博之者莫如文約之者  
莫如禮行之者莫如夫子且會其文而不揚其業則不

如勿傳經其禮而不啓其教則不如勿學上代有以焯  
序中代有以宗師後代有以丕訓故曰經營乎三代者  
也噫唐虞之美不必至是贊而大者進聖君也夏桀之  
惡不必至是擠而毀者激庸主一作君也伊尹之忠不必  
至是演而數者勉誠節也趙盾之逆不必至是抑而書  
者誅賊臣也至若論慈廣孝輔仁寵義職此之由於是  
君臣之位序父子之道明朋友之事興夫婦之倫得雖  
朗日開覺膏雨潤澤和風清扇安足喻哉借如九皇繼

統而政醇千聖同年而道合雖事業廣運而理齊

一作齊

一時未有薄遊大夫僻居下國德教既往言滿方來廟  
食列邦不假手於後續君長萬葉必歸心於素王若此  
之盛是以騰跨百辟孤絕一人曷成名而可稱蓋取興  
而為大者也我國家儒教浹宇文思啓或作天伸吏曹

以追尊建禮官而崇祀侯褒聖於人爵尸奠享於國庠

是用大起學流錫類孝行敦悅施於萬一作方國光覆彌於

胤宗三十五代孫嗣褒聖侯璲之子一作藏暉洎族賢

元亨等或專門碩學

一作儒

罔墜于緒或餘波明哲載揚

厥聲乃相與合謀曰夫墟墓之地禮曰自哀聽訟之樹

詩云勿翦一則遇事遺愛一則感物允懷矧乎大聖烈

風吾祖鴻美故國封井舊居川岳歟宜其悚神馳魄膝

行膜拜陳齋祭奠嚴祠樹繚垣以設坊刊豐石

一作碑

以

為表兖州牧京兆韋君元

一無元字

珪王國周親人才懿德

明啓風績

一作俗

休有政

或作名

教長史河南源晉賓字光

國賢操孤興清節特遠納人以禮成俗於師司馬天水

狄光昭

一無昭字

字子亮相門開祥

或作祚

雅道踵武聞義必

立從事可行錄事參軍東海徐仲連功曹成陽蓋寡

疑

倉曹太原王道淳弘農楊萬石戶曹博陵崔少連弘農

揚履玄

一無此五字

兵曹太原王光超

一無此五字

范陽張博望

法曹安定皇甫佺東海徐彥光士曹滎陽鄭璋參軍扶

風竇光訓及曲阜縣令鴈門田思昭主簿吳興施文蔚

清河晏弘楷等官緒通德儒林秀士升堂覩奧遊聖欽

風僉同演成乃共經始其銘

或作詞

曰

元天陰隲大明靈一作鏡神不利淫物將與正凡曰投

艱在此逢聖吞沙薦虐軒皇一作底定襄陵兆灾夏禹

文命周道失序夫子應聘刪一作詩述史盛禮後人啓明

頌穆清訓詞昭灼片言一字勸善懲惡誘進後人啓明

先覺六順勃興四維一作皆作元功濟古至道維

來首出列聖席卷羣才大名震耀廣學天開蒸嘗匝寓

一作誦習窮垓帝念居室以光壽宮建侯于嗣環

封厥中孫謀不泯祖德斯崇乃刊聖烈用廣休風

一作皆唐文粹

陳留郡文宣王廟堂碑

前篇  
作記

陳兼

又見獨  
孤及集

唐天寶十有一載歲次壽星陳留改文宣王宮

七字前  
篇作陳

留郡重建

文宣王廟郡守河南道採訪處置使元公彥冲所以崇

德樹風敬教勸學也初公以三務

前篇  
作農

之際分命

前篇  
作務

有司修廢功舉墜

前篇  
作墜

禮而此堂也舊規僵

前篇  
作偏

陋下

宇將壞我是以有經始之制冬十月丙午新宮成凡天

下有道則文教大洽為政者克廣舊典以尊先聖禮也



浚儀令河東裴勝叶恭大猷祇奉成績乃立石于

前篇  
作於

朝廷以旌盛德所庇云

有三才然後有剛柔剛柔交而利害作乎其中於是橫

目蚩蚩天不能節黃帝堯舜氏始以仁義拯溺其流及

乎夏商而周監二代有明堂之禮樂教之首也逮周

集無

周德下衰王室卑而五霸起彘倫墜而六學缺天將持

其木鐸以授後聖繇是周公沒五百歲而夫子生雲從

龍風從虎大道既作天下化成故夫子修詩書以酌虞

夏殷周之損益而國風帝典備約魯史記以書二百四

十二年之廢典而亂臣賊子懼嗚呼

集作嗚戲前篇作於戲

不前篇

有有大壞何以見聖人之全功乎粵若中都之制立民

極也以匡顏風防不為曲兩觀之法用重典也以去姦

雄集作

政不為苛夾谷之會誅無禮也以尊兩君刑不

為僭三預是邦之政而魯至於道向使鳳鳥來河圖出

東周之化其在魯乎嗚呼明王未興亢龍無輔運匪我

與德兮何衰蓋弘其教

前篇作道

以救物處其順以安時行

藏屈伸與化推移

集有也字

其世衰也揭仁義於天下其世

平

集作大來前篇作世衰

也啓土宇于

前篇作於

身後出入百代波流

萬方孰不日用聖猷欽若祀典然後知素王之德與天

地並或曰夫子栖栖於魯衛陳蔡之間或者其未智歟

君子曰是智也聖人與時消息同彼憂患不有匡蒲

前篇

作人之難麟鳳之感何以戒

集作誠

苟合安蒙求

前篇作亨

使達

者順時窮者知命然則卷舒之跡其可究乎弈弈新廟

庶人成之有以建誕敷之

前篇作文

德勿亟之化蓋黜堊其

楹玄端其服加釁器之等

前篇作數

正當宁之位王命所以

寵舊章也兩楹之下四科以班充公東序

前篇作房下同

西向

集作嚮

費侯鄂

前篇作鄴按會要再耕封鄴侯

侯薛侯徐侯衛侯黎侯

吳侯魏侯西序東向其餘未入

前篇作於

室者畫衣冠於四

墉

集本作篇作西墉

配祭所以辨等威也議者謂我邦君於是

乎建宏規而播新命修令典而崇明祀講義以度功

前篇

作軌度

懋功以從時訓人以成德昭德以合禮六者禮之

善物而時有遷邑有改不銘考父之鼎紀奚斯之功是

廢名也何以示後嗣遂命客卿前封邱縣丞泗上陳兼志之

此篇見獨孤及集而梁肅作及集後序亦云述聖德以揚儒風則陳留郡文宣王廟碑而碑末乃云命陳兼志之肅出及門必不誤書疑及命兼代作英華總目明言及作而八百十四卷并此卷重出却病作陳兼未詳前卷已刪今存于此

許州文宣王新廟碑

劉禹錫

歲在丙辰元日開成許州牧尚書杜公作文宣王廟暨  
學舍于允隅革故而鼎新也前年公受社與鉞董淮陽  
汝南之師八月上丁釋菜于宣父之室陋宇荒堦不足  
迴旋已事而歎乃詢黃髮有鄉先生前致辭曰自盜起  
幽陵許為兵衝連戰交枹集作枹率無寧歲耳悅鉦鼓不  
聞絃歌目不知書不害為智邇來生聚教養起居祖習  
一出於軍容今幸天子憐許民為擇賢侯此人人思治  
之時也公曰諾吾當先後之於是元年修戎律以通衆

志次年成郡政以蠲民瘼季年崇教本以厚民風我言  
既從乃卜新宮灑水之瀕城池在東登登其杵坎坎其

斧繩之墨之鑿柄杖梧載塗載負

集作載  
墜載塗

黝馬

集作  
黝馬

陵

虛寢廟弘敞齋宮嚴闕軒墀廂廡儼雅清潔門庭墻仞  
望之生敬外飭觚稜中設黼幄嚮明當宁用王禮也堯  
頭禹身華冠象佩之容取之自鄒魯及門覩奧偶形畫  
像之儀取之自太學宗彛籩豆青黃規矩之器秉周禮  
也犧牲制集作  
時非幣薦獻升降之節遵國章也藏經于童

檐斂器于處櫝講筵有位鼓篋有室授經有博士督課  
有助教指蹤有役夫洒掃有廟幹公又割隙地為廣圃

蒔其柔蔬而常菹旨蓄之御備捨己俸為子錢權

集作權

其孳贏而鹽酪釭膏之用給濟濟莘莘化行風驅家慕  
恭儉戶知敬讓父誨其子兄規其弟不遊學堂與撻市  
同繇是縻勇爵戴鶡冠者往往弭雄姿而觀習禮義矜  
甲冑者知根於忠信服縵胡者不敢侮縫掖教化之移  
人也如置郵焉冬十一月許人以新儒宮成來告且乞



辭欲行乎遠也公名棕字永裕故丞相岐國公之孫岐  
公弼諳二帝碩學冠天下嘗著書二百餘篇言禮樂刑  
政古今損益統名曰通典藏在石室副行人間今孝孫  
聿修集有  
之字形乎事業播于聲詩懿哉能世其家也禹錫  
昔年忝岐公門下生四參公府近年牧汝州道許昌躬  
閱其政故不得讓遂銘于麗牲之碑銘曰

許介韓魏四征之地兵興已還其鬪嘖嘖亦有儒宮軋  
于兵間賢侯戾止思樂泮水俾人嚮學王化之始便地

爰相新規鬱起廟貌斯嚴堂皇

一作堂

有煇秩秩禮物祀

祀胄子入于門墻如造闕里春詠

集作誦

夏絃載颺

集作揚

淑聲風于閭闔決于郊坰途讓班白家尊父兄與化而

遷其猶性成昔之委巷相詬交侮今逢親戚不道媒語

昔之連營誇力使酒今遇賓客欽容

集作相對

拱手魯有泮

林鳥革其音許崇學敷民悅其教鑄于圭石以志新廟

柳州新修

石本有玄聖二字

文宣王廟碑

柳宗元

仲尼之道與王化遠邇惟柳州古為南夷椎髻卉裳攻  
劫鬪暴雖唐虞之仁不能柔秦漢之勇不能威至于有  
國始循法度置吏奉貢咸若采衛冠帶憲令進用文事  
學者道堯舜孔子如取諸左右執經書引仁義旋辟唯  
諾中州之士時或病焉然後知唐之德大以遐孔氏之  
道尊而明元和十年八月州之廟屋壞幾毀神座  
石本  
作位  
刺史柳宗元始至大懼不任以墜教基丁未奠薦法齊  
時士  
一本  
作事  
禮不克施乃合初亞終獻三官衣布泊乎  
一本

于作嬴財取土木金石徵工儻功完舊益新十月己丑王

宮正室成乃安神棲乃正法庭祇會羣吏卜日之吉虔告於王靈曰昔者夫子嘗欲居九夷其時門人猶有惑聖言今夫子去代千有餘載其教始行至於是邦人去其陋而本於儒孝父忠君言及禮義又况巍然炳然臨而灸之乎惟夫子以神道設教我今罔敢知欽若茲教以寧其神追思告誨如在于前苟神之在曷敢不虔居而無陋罔貳昔言申陳嚴祀永永是尊麗牲有碑刻在

廟門

處州孔子廟碑

前篇作記

韓愈

自天子至郡邑守長通得祀而徧天下者唯社稷與孔

子為

前篇作焉然前篇有而字

社祭土稷祭穀而勾龍與棄乃其

佐享非有

石本前篇並作其

專主又其位所不屋而壇豈如孔

子用王者事

文粹集註並作禮

巍然當座以門人為配自天子

已

或作以集本前篇作而

下北面跪薦

二字集作拜跪薦祭

進退誠敬禮如

視

石本作親

弟子者勾龍棄以功孔子以德固自有次第哉

自古多有以功德

集註  
作續

得其位者不得常祀勾龍棄孔

子皆不得位而得常祀然其祀事

前篇  
作者

皆不如孔子之

盛所謂生人已

集作  
民以

來未有如孔

集作  
夫

子者其賢過於

堯舜遠者此其效歟郡邑皆有孔子廟或不能

前篇  
作得

修

事雖設博士弟子或役於有司名存實亡失其所業獨

處州刺史鄴侯李繁至官能以為先既新作孔子廟又

令

集作  
命

工改其

石本無  
其字

顏子

四字集作  
改為顏回

至于夏十人像

其餘六十

前篇有  
二字

子及後大儒公羊高左丘明孟軻荀

况或作卿伏生毛公韓生董生高堂生揚雄鄭玄等數十

人皆圖之壁選博士弟子皆如集本文粹作必省其人又為置

三字集作說講堂教之行禮肄習其中前篇有又為二字置本錢廩

米令可繼處以前篇有守字廟宇集本文粹作守廟成躬率前篇有庫字

吏及博士弟子入學行釋奠集本文粹並作菜禮者老嘆嗟其

子弟皆興於學鄴侯尚文其於古記無不貫達故其為

政知所先後可歌也已詞曰二字前篇作乃作詩曰

維此廟學鄴侯所作厥初庫下神不以宇先師所處亦

窘寒暑乃新斯宮神降其獻講讀有常不誠前篇作戒用勸

揭揭元哲為

集本前篇作有

師之尊羣聖嚴嚴大法以存像圖

孔肖咸在斯堂以瞻以儀俾不惑忘集作碑不惑忘後之君子

無廢成美琢辭碑石以贊攸始

此篇八百十四卷重出前已削去

書處州韓吏部孔子廟碑陰記 杜牧

天不生夫子於中國中國當何如日不夷狄如也荀卿  
祖夫子李斯事荀卿一日宰天下盡誘夫子之徒與其



集本文粹  
無其字

書坑而焚之曰徒能亂人不若刑名獄吏治

世之賢也彼商鞅者能耕能戰能行其法基秦為強曰

彼仁義蟲官也可以置之

置之言  
不用也

自董仲舒劉向皆言

司馬遷良史也而遷以儒分之為九曰博而寡要勞而

無功不如道家者流也自有天地以來人無有不死者

海上迂恠之士時

二本  
作特

出言曰黃帝鍊丹砂為黃金以

餌之晝日乘龍上天誠得其藥可如黃帝以燕昭王才

二本  
作才

賢破強齊幾於霸秦始皇漢武帝之雄才滅六強

擗四夷盡非凡主也皆甘其說耗天下捐骨肉而不辭

至死而不寤

二本  
作悟

莫尊於天地莫嚴於宗廟社稷梁武

帝起為梁國者以筍脯麵牲為薦祀之禮曰佛之教牲  
不可殺以天子之尊捨身為其奴散髮布地親命其徒  
踐之有天地日月為之主陰陽鬼神為之佐夫子巍然  
統而辯之復引堯舜禹湯文武周公為之助則其徒不  
為劣其治不為僻彼四君二臣不為無知一旦不信背  
而之他仍族滅之儻不生夫子絃紛冥昧百家鬪起是

已所是非己所非天下隨其時而宗之誰敢非之縱有非之者欲何所依據而為其辭是揚墨駢慎已降百家之徒廟貌而血食十年一變法百年一改教橫斜高下不知止泊彼夷狄者為夷狄之俗一定而不易若不生夫子是知其必不夷狄如也韓吏部夫子廟碑曰天下通祀唯社稷與夫子社稷壇而不屋取異代為配未若夫子巍然當門文粹作座用王者禮以門人為配自天子至于庶人親北面而師之夫子以德社稷以功固有次第

因引孟子曰生人以來未有如夫子者也自古稱夫子者多矣稱夫子之德莫如孟子稱夫子之尊莫如韓吏部故書其碑陰云

文苑英華卷八百四十六

欽定四庫全書

文苑英華卷八百四十七 宋 李昉等 編

儒三

旌儒廟碑一首

福州都督府新學碑一首

麟臺碑一首

旌儒廟碑

賈 至

觀象考歷本乎元辨方正位稽乎極體元御極莫先於

一作于

教教之大者

一無者字

莫大於儒旌儒者祠我新典也

昔秦滅羲軒之制廢唐虞之則大搜學徒竭索儒黨懷

書捧檄者鱗集磨至然後罪九流之異論尤百氏之殊

術無辜殺身有道併命冤骸積於坑谷流血淬

一作染於

泉壤蹈仁義而死者不可勝紀開元末天子在驪山之

宮登集雲

一作靈

之臺考圖驗地

一作記

周覽原隰見鄉名

坑儒頽壟猶在慨然感亡秦之敗德哀先儒之道喪強

或作

死千載遊魂無依乃詔有司作是

一作是作

新廟牲幣

有數以時饗祠

一作祀

因祀命鄉號曰旌儒人神和悅怨

氣銷散於戲秦皇帝以神武邁古併吞六合掃天下以

一篲剪

一作芟

羣雄如衆草建守

一作官

罷侯大權在己自

軒轅以降平一宇宙未有若斯之盛也夫勘亂以武守

武以文文以正崇武以權勝秦皇知權之可以取不知

正之可以守向

一作嚮

使天下既定守正崇儒遵

一作導

六

經之謀

一作謨

訓用三代之文質則黃

一作唐

軒盛美湯武

弘業不若也觀夫坑儒焚書之意乃欲盖先王之能事



竊作者之鴻名，黷衆耳。以前聞逞私欲於當代，此儒之

所忌。

一有也字

秦之所志，悲夫。儒以恭儉為宗，秦則疲弊生

人，極力宮室，儒以道德柔遠，秦則竭耗中國，勞師四夷。

儒以宥過議賢，秦則刻法峭刑，賊虐諫輔，儒以述先好

古，秦則勞師。

一作師心

狗智燔

一作播

棄墳典

一作典墳

夫如是則

秦不得不滅，儒不得不坑，事之

一作使

然也。今天子矯覆

車之前軌，崇明祀於後葉，秦之所滅

一作廢

我之所興，斯

區夏無疆之休，子孫萬代之福也。昔武王封比干之墓，

則招諫之道勸矣晉文表綿上之田則誌過之名立矣

漢高護信陵之塚則尊賢

一作義

之風著矣夫徵揚

三字一作

未若激揚

大教廟食衆賢上以興天地之經次以存顛覆之

鑒下以絕厲災之青建一詞

一作祀

而三德具焉鯁臣不

敏敢作

一作獻

頌曰於維先王設教崇儒乃作經籍

一作作訓

六經為代典謨降及夫子三千其徒再

一作載

揚清風文在

茲乎天喪斯文道有通塞實生暴秦反道敗

一作背

德竊

善攘譽師慝

一作心

狗惑焚書坑儒萬古悽惻牢路千祀

微茫九原驪山之北坎窞猶存草樹無色

一作顏

愁

一作秋

雲晝昏時聞夜哭如

一作知

有冤魂帝在華清登高訪古

愍默

或作繁燕

顏漸悲涼榛莽上感亡秦覆車遺武下哀羣

哲饗祠無主爰降嘉詔聿修清祠饋之牲牢奠酬以時

幽幽廟門肅肅靈儀冥漢

一作冥

求食長無餒而粵自漢

初建

一作迄

于隋運

一作閏

亦有令主尊儒尚訓闕典莫

一作

周崇斯文莫振昭昭神理長懷幽憤我后濬哲聰明文

思敷弘大教咸秩神祇鬼無妖災人不癘疢俾爾蒼生

富壽無期小臣作頌敢繼刪詩

一作皆唐文粹

福州都督府新學碑

獨孤及

世與道交相興喪弘之者在人非庚桑楚不能使崐崘

莊子作  
畏壘

大壤向化微文翁蜀學不崇閩中無儒家流成

公至而俗易民賴德施古今一也初成公之始至也未  
及下車禮先聖先師退而歎堂室湫狹數學荒墜懼鼓  
篋之道寢子衿之詩作我是以易其地大其制新其棟

宇盛其俎豆俎豆既修乃以五經訓民考教必精絃誦  
必時於是一年人知敬學二年學者功倍三年而生徒  
祀祀賢不肖競勸家有洙泗戶有鄒魯儒風濟濟被於  
庶政大歷十年歲在甲寅秋九月公薨于位於是羣吏  
庶民耆儒諸生雨泣廟門之外若有望而不至號曰豈  
不欲斯文之漸漬於東甌之人歟不然何錫厥化而不  
遐公之年也吾黨瞠然嗚呼曷歸判官膳部員外郎兼  
侍御史安定皇甫政殿中侍御史潁川韓贄監察御史

河南長孫繪率門人部從事州佐縣尹相與議以公之  
功績明示後世謂及嘗同司諫之列宜備知盛德善政  
見託論譔以實錄刻石曰公諱倚字某皇帝之諸父宗  
室之才子寬裕愷悌孝慈忠敬莊而成式文而強力治  
王氏易左氏春秋酌其精義以輔儒行故居處執事著  
書屬詞非周孔軌躅不踐也天寶三載應選部辯論為  
安陽縣集無尉中興之後歷御史尚書郎諫議大夫給  
縣字

事中十餘年間周歷三臺言中彛倫動中大本上交不

諂下交不瀆家貧不樂清近求為京兆少尹無何出守

弘農

集有弘農  
人和四字

又移典華陰兼御史中丞華陰之近者

安遠者來天子以為才任四岳十二牧之職大厯七年

冬十有一月加御史大夫持節都督福建泉汀漳五州

軍事領觀察處置都防禦

集作  
團練

等使八年夏四月龍旂

六轡至自京師闔越舊風機巧剽輕資貨產利與巴蜀

埒富猶無諸餘善之遺俗號曰

集作  
為

難治公將治之也

考禮正刑節用愛人頒賦遣役必齊其勞逸視年豐耗

量入以制用削去事之煩苛法之掊剋者吏不奉職民不師教則懲以薄刑俾浸遷善由是人知方矣公將安之也初哥舒晁反書至公屨集作履及於門遽命上將帥

戈船下瀨之師西與鍾陵軍會先拔循潮二州以援番禺推誠誓衆士皆奮勇既而大憝就戮五嶺底定民是以康繫我師是賴人無姦宄寇賊之虞矣公將教之也考類宮之制作為此學而寓政焉躬率羣吏之稍食與贖刑之餘羨以備經營之費而不溷於民也先師寢廟



七十子之像在東序講堂書室函丈之席在西序齒胄之位列於廊廡之左右每歲二月上丁習舞釋菜先三日公齋戒肆禮命博士率胄子修祝嘏陳祭典釋菜之日釁器用幣籩豆在堂罇壘在阼公玄端赤舄正詞陳信是日舉學集無學字士之版視其藝之上下審問慎思使知不足教之導之講論以勗之八月上丁如初禮歲終博士以遜業之勤惰覃思之精麤告于公斂其才者進其等而貢之于宗伯將進必以鄉飲酒之禮禮之賓主

三揖受爵於兩壺之間堂下樂作歌以發德鹿鳴南陔  
由庚嘉魚南山有臺以將其厚意由是海濱榮之以不  
學為耻州縣之教達於鄉黨鄉黨之教達於衆庶矣公

薨之二

集作明

年太常議按公叔發

一作束髮非

修衛國之班

制以交四隣故易其名曰文孔文叔其勤公家夙夜不  
懈衛人銘其彝鼎以公尊教勸學德洽荒服乃奏謚曰  
成詔贈禮部尚書而刻金石之禮則未備今也敢揣德  
馨貽之無窮其銘曰

公之文肅恭且仁宣力事君潤飾經術底綏斯民公之

武鰥寡不侮剛亦不吐率師勤王黷厥醜虜易俗

集作公之

移風經始類宮百堵皆興孔堂崇崇四科以班乃侯乃

公秩秩祀典鏘鏘禮容大昕鼓篋

集作徵

學士萃止褒衣

方屨登降以茵從公于邁樂我泮水我廛我里講論

集作

誦資始比屋為儒俊造

集作選

如林縵胡之纓化為青衿

公宜難老為學

集有者字

司南

女今反

斜

集作坂

日告凶實天匪

忱翮翮和鑿兮不聞遺音願言思公兮如玉如金鏤餘

烈於此石以塞罷市者之心

麟臺碑

常表微

大凡

二字一作夫

聖人作然後王道明王道明然後瑞應至

靈貺感通理合冥數昔殷道剝喪民罔攸歸於是文王

以有位之聖嗣成湯之德神人感義

一作咸又

故鳳鳴於岐

洎周德陵夷

一作連

道靡所屬由是仲尼以無位之聖述

文武之法憲章聿修故麟見於魯于時王室無主禮法盡去天子之尊存乎位號魯周公之所封用四代之禮

樂遺風故典鬱而未發仲尼以天生

一作縱

之德主乎其

中居周公之邦志文武之道觀廢興之運知作者在已  
位不得以庇生民權不得以司刑賞是天將喪斯民也  
而未喪斯文也乃綴絕緒申舊章變其禮文酌為典憲  
擘五常之龜鏡遵三綱之軌轍帝王之道幽而復明盛  
德大業於是乎在天錫嘉瑞光昭厥功顧一作故周敬魯  
哀不得而有也由此觀之蓋春秋為王法之器魯國為  
王法所寄在其所寄以舉其器鼓仁義為舟航權褒貶

為檝擢

一作  
萬檝

乘橫流之波濟天下之溺上無列國之輔

下無陪臣之助故道不信於天下而信于知

一作  
智

者法

不著於當時而著於後代向使仲尼有滕薛之土得三

家之衆興我王澤沛

一作  
霈

及烝民則麟出於

一無  
此字

其郊

得其所矣豈復厄於虞人哉故麟不見則孔聖之道不

彰麟不死則周室之亂不極嗚呼聖人之生也得其時

則化行於江漢不得其時則道屈於季孟靈瑞之出也

得其時則名薦於郊廟不得其時則身罹於殘夫是以

一無以字 聖人能順時以濟人不能反時以自聖靈瑞能因

時以應感不能反時以自靈被厄於陳蔡獲麟於大野

影響之應其符著矣春秋傳曰有以告者曰有麇一作

而角者何一作而一角者孔子曰孰為來哉孰為來哉夫豈不

知乎蓋遜一作殺之而不敢有一有之示人以疑故二字也

元和五年冬十一月表微以滑之從事使於一作鄆陽

停驂訪古得一作經獲麟之舊壤且日後之人築臺於此

以旌厥德一作路感先聖之不遇俾麟出之不一作時非

徊道周乃作銘曰

二儀既闢三象乃乖聖道湮鬱人心不開上無文武下

有定哀于

一作吁  
下同

嗟麟兮孰為來哉周維不綱孔實嗣

聖詩書載刪禮樂大定懲惡勸善姦

一作  
歸

邪反正于嗟

麟兮克昭符命聖與時合化行為

一作  
位是

尊苟或乖戾身

窮道存於昭豐邑栖遑孔門于嗟麟兮孰為其仁

一作  
孰知

其  
昏運極數殫

一作  
沒

道

一作  
德

至時否楚國寢廣秦封益侈

墻仞迫阨崎嶇闕里于嗟麟兮靡有攸止世理則麟世




亂則麋出非其時麋鹿同羣孔不自聖麟不自神于嗟

麟兮夫何所云

一作夫  
復何云

一作皆唐文粹



文苑英華卷八百四十七